

## S'oide Lebm

Es gibt so Moment wo ois anders wird

So Augenblick wo ois ei'gfriert

Ois wosd do muaßt is jetzt nimmer dringend

De ganzen Zwäng', san gar nimmer zwingend

Grod hams no gschiran - jetzt sans stad

Nix wia erwart - ois hod sie draht

*Du woaßt erst wos'd host wennes'd nix mehr von dem host*

*Stehst nackert vor der Tür und an Schlüssel ned bei Dir*

*Ois wos sonst vertraut jetzt ganz anders ausschaut*

*Dann dads'd vui gem*

*Für Dei oids Lebm*

Ois wos'd so kennst suachst jetzt vergeblich

Sach, Zeig und Goid is unerheblich

Wos regst di'n auf wenn's stürmt und wedert

Du herst nur no wos ma sonst nia hert

Auf oamoi is dunkel - grod hods no blendt

Auf oamoi stehst do - grod bist no grennt

*Du woaßt erst wos'd host wennes'd nix mehr von dem host*

*Stehst nackert vor der Tür und an Schlüssel ned bei Dir*

*Ois wos sonst vertraut jetzt ganz anders ausschaut*

*Dann dads'd vui gem*

*Für Dei oids Lebm*

*DekantA*